



瑤星招集松風閣用陶公飲酒韵

黃虞旣云沒處俗乖我情君子秉幽尚  
遯世無狗名空山有濁醪聊以遣吾生  
夕陽已復下歲晚心恒驚不見蹈海士  
一往名竟成

其二

貞松不塵處高雲無羣飛鑿坯類慢世  
安知心所悲葉落恋故柯中林猶可依  
萬動息初夜獨鳥知還歸百年能幾何  
所恨不早衰沉飲非養生庶于意不違

其三

志士愛溝壑處死誠有道赫二壯毅公瑤星尊人殉東

萊之生非牖下老遺烈炤後昆天地不能槁大

難運既淹逝令名獲完好全身事杯杓不辱以為

寶河海有素源卓犖冠人表

其四

清晨聞叩門客自遠方至謂祖命也相期過林莽薰

然同一醉攬髮懽昔顏意滿語無次生世多別

離縞紵心足貴磬折車馬人焉知飲中味

飲談子常寓齋用陶公飲酒韻

柴車經廣陌衡宇欣然開貧窶非無營對酒寬

中環江河逝不居日月與我乖接輿慨已而魯

叟耽栖二不見前夕中骭沒濁水泥故山有好

鳥毛羽懽初諧為樂一以晚秉燭亮不違相勸

盡一斗吾意為君回

集石公齋送友沂返楚限韻

滄海日夕流幽人寡崖谷晨風羨埽翊送子北

山麓殷勤故國心節旄非盡禿龐公家室完脫

徒踰梅福樂飢以卒歲豈必饒旨蓄楚之傷心  
人靈均好奇服獨醒觀衆醉糟醕任百斛蕭條  
萬里身布帆纜盈幅河水凍鳧雁戍壘游麋鹿  
故人一尊酒行二且信宿劔苓遠可偕采葛愁  
難讀豈以參與商而忘昔比日期子以重來吾  
仍老蓬屋

予將北征咨起未果也

### 和洞門

霜鴻下石城爲期匪云久目送晚江潮離觴未  
停手居人掩空巷萬愁無不有中林早梅發野  
香動戶牖輕帆天際來叩門訝親舊情至無寒  
溫深燈續卮酒爛熳清漏徂簷虛墮星 世事  
難重陳但飲一開口三唱驪駒曲天風颯衰柳  
坤軸折四維所幸存朋友蘇李別河梁交道古  
無偶余亦滯行役飄零遭老朽願言崇令名河  
清慨人壽藏山罕少微千載疇執咎

### 和友沂

羲馭迫隆陰永夜何時旦朱絃自橫陳一彈再  
三嘆蒹葭白中渚寒水平若案殘埃悽晚泊斜

雁極晨看吳草短已歇楚峰遠仍亂江海一扁  
舟醉餘憤恒岸武昌有鯉魚隻二長尺半停雲  
靄南紀顏色如褰幔君知故人心不同風雨散  
鳥栖楊柳日回頭憶三喚盡收兒女情百尺峙  
孤幹酒色藏賢豪危世亦波瀾不見輕薄兒裘  
馬賤柔翰

和石公

長沙才子地磊砢復竒節一睹希世姿如鄴  
中玦六翮邈雲漢萬里響金鉄君子多憂患愚  
者愛罄折已聖于木尚未闕子羽舌袖中多素  
書往二字不滅冥鴻亦有曹相戒羅網玉衡  
指玄冬道阻傷雨雪離別令人老衣帶緩重結  
商顏一芝草遠駕赤松傑子有高堂親倚間偕  
康悅浮雲佇合并日月無停轍相勸獨加食意  
滿詞轉拙

送于皇之金沙同祖命寒玉集中林堂賦  
久客延征綏愁思如烟草欲別難爲顏三嘆令  
人老時俗溺輕肥貧賤無一好貞士秉竒尚絕

物事幽討蛾眉信潔修召毀亦已早達生類沉  
冥畏世學枯槁荆山有神璞泣者重其實天地  
盡風波豈必田橫島勗哉愛景光明德庶可澡

其二

夜永燈燭微寒星下空屋我友蓬蒿栖塗窮轉  
馳逐分袂疑前期欲語難更僕霜勁萬木墜潮  
平一江束中夕起悲歌哀雁相斷續平生磊阿  
意岳二折五鹿衰鳳嘆已而尉羅在林 成晏  
多疾風北門不可讀徒步二遠道江介衆峯矗  
芳杜隔中洲資苑逸難服何以喻渴飢當曠思  
霖霖

其三

相逢長安道攜手登高樓是時歡笑多對酒不  
能愁奄忽四海傾金戈响颼颼得歸頭欲白重  
見涕未收羣居恒戚顏况乃遠行遊不怨別離  
長所傷生計適餅中米適盡無策令子留霜雪  
迫征驂汝我情相猶驚林無定巢急瀨無安舟  
因風企羽翰惠我藏山謀

送周元亮方伯北上

用高義薄層雲  
五字爲韻

夷門結客後千載無人豪壯夫意氣盡往二因  
錢刀余實羈旅人出門欣所遭公瑾邈難儔入  
座傾醇醪相尚在襟期餘事敦綈袍清風拂朱  
絃金石與我操涵二廣陵水中夜爲波濤俯視  
白日輝仰視滄浪高

其二

柳色滿邦江河橋動清吹驪歌一尊酒 盃蒼  
生淚危世重元二古賢有深智蕭然冰雪裝雲  
嶠恣遐寄閩海化耕桑川岩互相媚萬里京華  
行圖書綴征轡白門梅始花相見如夢 夜半  
草堂開青燈炤奇字三歲故人心歡多語難闕  
皎二庭中月爲公燭明義

其三

是夕霜中禽栖我池上閣鴛央戀匠儔胡爲怨  
離索古之鍾情人綢繆各有托一奏廻腸曲再  
理湘君約楚水寒不流吳烟黯如昨殷勤懷袖  
間當風出香澤耿二視明河參辰永相錯離別

安可爲對酒且娛樂林霰已交飛晨風散黃鶴  
贈子以將離目成意不薄

其四

矯二青驄馬司隸何風稜嶽二龍門高厨俊推  
先登大運旣遷流多難連滂膺百折天所遺玉  
琴耿朱繩至今江海上冽若萬壑冰君子崇令  
德所患非繳矰當時炙手人時去誰見稱黽勉  
霜雪姿孤柯峙岩層

其五

故人紛京雒山澤非所羣賤子耽微尚貧窶亦  
自欣甕牖忍朝飢高吟至夕曛北山有叢桂其  
罪誠當焚四海一知己進食意已勤惠風揚幽  
蘭縞帶芳相聞嘉會不可常別袂從此分百里  
有素書千里有浮雲

除夕過別于皇適伯紫先至小飲飢鳳軒  
用陶公韻

入戶逢幽人如雲下遙嶺長慨歲已邁清歡恋  
餘景游子中難宣四顧積淒冷置身樽酒間白



日爲我永蕭二庭際樹三見寒鴻影  
余三飲盤軒中矣  
食損忘味快意無不騁擾三塵市營愧此岩扉  
靜

其二

逆旅不可處北門復見迫岿堯古城下大道連  
廣陌楊子一蓬蒿千載識玄白所傷非容膝畏  
路何其窄于皇時欲移居城南殷勤卜南隣傲我遠遊客  
庶堅叢桂約預理墻東宅

其三

懷憂非一緒長貧令人老豈無金石心歡笑各  
難保二毛愁中繁尚憶髮始燥日月恒苦晚別  
離恒苦早清醕方未輟瑤瑟仍在抱惜別不盈  
觴何用傷遠道

和陶公咏貧士

百爲拙羈旅貧賤恒相依中夜歎息長欲起愁  
晨暉風林旣淅瀝嚴霰方交飛托身天地間四  
顧無所歸辛苦具脫粟對食翻忘飢我友多簞  
瓢固窮安足悲

其二

所居在曲巷白日迴高軒世士與我乖屏迹於  
陵園玄陰速短晷夕景棲寒烟謀慮知不減罔  
罔空覃研失意事非一自愚仍好言安此已若  
命戚者非賢

其三

繩床積素書斗室橫鳴琴有婦共賃春五噫諧  
賞音所尚在嘉遁榮利寧足尋貧家寡濁豈有  
觴卽對斟良無比門謫拓落還相欽屢空計誠  
非歲寒欣此心

其四

貪夫徇苟得有目慙離婁所營在肩睫利動禍  
已酌不見猗頓家爲謀亦云周刺促錐刀中與  
我等百憂銅山化北邙獨往無匹儔固哉甕牖  
人于世終無求

其五

西山有餓夫一飽不遑干柳下遂不恭退然怡  
小官世衰道力微飢者良易食志士愛溝壑豈

真井齋詩集 卷之一  
復爭暄寒一息錢刀虛儕偶改其顏吁嗟憤世  
士委身從抱關

其六

寄心百年內嵯落如秋蓬義軒不可作擇術奚  
能工飲啄送微軀家風慙兩龔顧視壟斷夫意  
復耻苟同鄙拙誠足嗤吾亦怪其通執鞭悔已  
晚所好庶獲從

其七

孤鶴唳廣野逸翮橫九州本無稻梁性鷄鶩安  
足儔壯夫一摧顏歲月逝若流蹭蹬四海心而  
爲衣食憂哀憐韓王孫一飯千金酌意氣良能  
爲富厚不可修

畱別黃石公

用謝康樂南樓望所遲客韻

征馬鳴廣路行子役已迫臨發野躊躇戀我北  
山客歡讌方及晨情話輒連夕斗酒雖細傾中  
懷浩幽適

石公不  
善飲

大義重然諾窮交等愉戚京

雒傷此遊同心況離隔蕙纒結難忘續紛芳可  
摘美人乍綿邈山川何蕩析微尚企歸休清塵

竹恒覲

舟中留別如農仍用謝韵

乍見即臨岐為歡亦已迫迢迢  
二經歲心持向萬里客早衰各問年十載如一夕往事積凄歎對酒反不適當時痛飲人綢繆踰親戚存者已晨漢況乃河山隔為魚山孟符諸子也吳江春草繁愁遠不可摘俗薄防面難相煩為剖析古道照別顏行

二覲重覲

清和二日過于皇寓巷值雨坐靜室茶話

同辟疆心甫圍次諸子用王龍標宿陶

大公館韵

遙栖屏世營閉門各有務客衣寒乍深春陰轉非故蕭二塵海間見此梧竹路斗室已寂寥嗜幽駭羣鷺微雨一斷續洒然若晨露江燕巢既葺楚鳳飢仍屢古道望今人斯誤不堪顧几上橫素琴庭中雜芳樹且偕風所歡高吟送日暮墻頭過餅餌纖手停織素虛窓燈火青蒼二破林霧同為遊子顏別多改新晤僧歸芒屨濕翻

詩  
卷之一  
訝苔蘚步如何遠公社攢眉亦成趣恒慮俗士  
覺間居來弋慕鐘梵起清音檐花落無數

卷之一終

尊拙齋詩集

卷之二

廬江龔鼎孳孝升父著

西京楊昌齡三開

韓詩聖秋

仝叅

東吳葉襄聖野

張賁孫繡虎

七言古

送熊魚山給諫出獄詩

甲申上元日

魚山拜杖後繫獄年餘適孳得罪下理

听夕相過從纔滿百日士師當先生謫  
戍蒙恩報可一時同難諸君子感吾君  
解網懸鞞之盛事莫不舉手加額而賀  
先生之遭也如農姜子與魚山同難最  
久把袂之後悲喜交集一夕不寐爲賦  
詩數百言其語愁楚至不忍竟讀蓋兩  
君之建言與下詔獄杖關下以至被家  
難廢蓼莪莫不同者宜所言惋惻情至  
怵心動魂矣諸子承晝無事竒愁塞胸  
因各寫懷來以代南冠對泣僕不揣薄  
劣亦援筆漫成此篇幽憤纏綿期二不  
吐先生且行矣草鞋竹杖榮于九遷矣  
回首火宅中各二三子愾雨吟風遙關  
清夢也耶

吾屬自茲無患矣天日有時炤幽庫諫臣往二  
關氣運鸞鳳一聲消病痕祖宗養士三百年欲  
養鍊鋼豈繞指宰相非人萬事誤勞苦陛下勤  
治理魚山慷慨急請對直聲義色驚殿庀在方

寸間與數人斯言直已抉精髓天子仁聖嘉讜  
論臺三傾聽無倦已是時宰相皆待罪柄人汗  
背受箠播萊陽同時披哭歎孤忠不謀若表裏  
天子得書大動色公事萬言悉可燬下諸詔獄  
旌臣直賴陛下仁得不死櫻鱗料鬚誠等閒先  
生自信唯一是闢下拜杖復滿百相君姑用示  
風旨偃月堂中鬼謀毒殺此一人固營壘先生  
禍奇節愈峻干霄百尺難比擬茹蔬誦經意蕭  
散憂國之外念岫岵伏惟皇帝仁且明寤寐大

忠排積毀武安勢去金穴敗赫然下詔贄貧宄  
盤水加劍賜尺組鼓皮撐枝勸都市天爲廟社  
獲忠貞珍重負戈還故里投荒授環無兩恩九  
重心喜留一士眼底諸賢走權貴紛二片羶集  
群螳戀官何惜身命辱斥伏唯憂聲响似妄一  
小子學強項如以駑蹇追驟駟刀礮已隨齒舌  
動胆目不受鬼神耻古來宰相仇諫官信手驅  
屠如羊豕千秋萬世定何許位高金多者誰子  
先生幸矣言而中吾猶鬱二久居此醉後書空

夢中語秣陵之山桃谿水烽烟遮天望不得淚  
從中來揮復止丈夫心眼自孤傲肯向造物問  
傾否先生杖履過白門吾有隻親待鴻鯉

再送雪堂夫子和弇州贈于鱗罷官歌

世間麟鳳遭屈曲天地竒秘安能閑東華塵土  
是何物乃敢敵我藏書山楚纍文心太憔悴上  
帝供以湘君髮建安諸子迭鼓吹丹霞瓊樹留  
人間爾後紛二大落魄蕩心恣態無繇閑才人  
凌蹈橫八極鳶鷗蟻蝨誰當攀雪屋文章最嶮

嶮一生坎壈不可說曾從執戟批龍鱗剩有明  
璣綴雌霓恨人自續文通賦失路同羞蘇武節  
一朝脫履辭承明黃冠繼作河梁別豈因鄉思  
牽尊鱸聊記初心嚙冰雪東吳草堂歲月長含  
烟吐霞視吾舌先生此行真壯絕三公肯復易  
千秋高風自昔稱南州仰天大笑狐庸不解事  
縱放謫仙令自繇

催妝曲爲吳郎北宮賦

瑁紉鴨醉擅痕老晴雲烘煖蘭宮草茱萸麝帶



東坡詩集 卷之二 四  
搖奪風凰檄報花銀箭曉梨渦小纈勻紅烟金  
蟲斜推睡未闌青菱呵活紫綿軟迴身却抱鴛  
央絃盡中蛟蜨恣黃昏今日親承一笑恩江南  
有情無盡處密蜂飛上蓮鬚語

花朝同韞退玉叔芥庵爾唯舒章敬哉社  
集秋岳齋限韵十體用弇州七夕送謝

榛韵

長安古意存今夕快飲豪歌過日晏意氣肯隨  
屠狗盡文章直奪雲霞色憶昔中原白雪聲壁

壘如山刁斗橫一言脫口天風驚拂袖能令萬  
象生其強不可及光芒射開卷標榜豁沉滯高  
嚴類驕蹇甘泉冷落彌年載茂林人往遺書在  
日月長懸本漢京風烟特地翻青海數子蕭條  
咏夕陽長卿慢世接輿狂勝遊再續郢中調巋  
然魯殿扶靈光珠璣忽寫銀河水古囊慘淡羞  
才鬼一時客訝采園多七子名從建安起虞卿  
著述爲窮愁惆悵燕臺散舊遊西第履搖新玳  
瑁中陵瓜識故王侯藏身好學信陵君近婦啣

杯勺可人暫辭，  
一袷拋烏巾短衣，  
襍坐謹嘉賓。  
百六何當厄，  
竒工人間往，  
傳芝醴前無屈宋。  
後潘陸鸞鳳失聲，  
騏驥死墨池淋漓，  
首欲濡興。  
酣未許歌驪駒，  
月明烏鵲憐三匝，  
風急官鴉散。  
兩都且復叉手立，  
天衢貴人呵殿轟柴車，  
合歡寶敍橫錦壺，  
磐石之計無事無，  
張儀舌在應歸獄，  
邯鄲身宜廝養辱，  
哀盡江南祇自哀，  
愁詩恨賦無人讀，  
連昌風箏響，  
籟二鸚哥猶向枝頭哭。  
銷魂江令恰重來，  
結綺臨春冷似灰，  
紛二鱗尊雲臺，  
桐江一絲真卓絕，  
羊裘之人安在哉，  
射馬將軍讐醉尉，  
英雄顛倒誇時勢，  
我輩粗分造物餘，  
千秋何與兒曹事，  
蘇君之時誠未可，  
鷄肋寧堪飼豺虎，  
禰生鼓罷餘佞浪，  
丞相茵邊慎傾吐，  
嗚呼風波今失所，  
君不見日星上風雅，  
下鴻鵠自有謀，  
胡爲勞弋者，  
卽論物態紛難忍，  
但說交遊安可舍，  
天涯離合似春萍，  
花月招歸試一停，  
藜床皂帽意何限，  
却遣浮沉作酒星。

寒食行用 玄宗韵

夜池波暖瀉芳。漢苑猶傳火禁新。天氣佳逢  
寒食節。風光夢逐上林春。笙歌帝里烟花早。歲  
春人踏春草。九衢羅綺自長安。朱門改盡垂  
楊道。百年涕淚墮山川。禿袖還籠調馬鞭。金彈  
人過疑鞞鞞。玉樓愁重壓鞦韆。寂寞流鶯墻外  
度。前年曾上昭陽樹。六宮粉黛亂晴霞。夾道細  
車碾香霧。茂陵今日野棠開。落絮遊絲紛往來。  
冷食御厨都已矣。打毬飛騎怯追陪。

金陵篇用李空同漢京篇韵

六代叢金粉。千門艷綺羅。笙歌橫玉闕。樓閣傍  
銀河。銀河玉闕傷心。兩垂柳。曾籠王謝第。朱門  
雙燕自翩躚。瓊樹三山空掩蔽。杜鵑春望隔天  
津。璧月臨春更有人。紫霞鳳瑄天如沸。白水龍  
孫識不神。相府衙兵森子弟。戟門夜識金銀氣。  
秦官貂珥逼將軍。李廣戈矛償醉尉。羽書飛過  
廣陵城。小队傳呼宮輦行。官裏別驅黃幄去。六  
軍親倒翠旗迎。前黑勅啣天語。貴陽以太后  
稱制浙中  
河上樓船隕將。大帥黃得功  
戰不利死之旛出石頭王迹

地表書鉄券世家繁華久觸高明忌滿目新  
亭人似寐長塹谷鼓角過斜陽最耐興亡事  
臺城白日亂鴉啼復道香塵長野蒿寶鈿妝成  
雲易散珠扉花冷月空高世事從來多反覆滄  
桑眼底翻陵谷當年刀筆太縱橫此日雲臺紛  
角逐金陵蕭瑟劇堪憐大內鍾山本接連不見  
五陵裘馬外麒麟還對玉衣眠

至白下岩子以詩見貽展玩之餘感其繾  
綣輒爲遥和此篇兼送其卜居湖上也

送春猶及柳絲風杜宇情多繞故宮草長六橋  
香欲去花飛三月夢初逢青溪烟雨今何代後  
庭玉樹紛難再嘯鳥應改舊朱樓當年人影雙  
隻在萬里飄零豈自繇鴟夷一艇還綢繆博山  
簾捲開芳咏無數紅蘭正並頭九天咳唾明珠  
墜玉鉤敲醒鸚哥醉閨閣文章事已奇江山罨  
畫家如寄千秋逸韵落晴湖庶下何須更儻吳  
爲著風流高士志敢題金粉兩人圖

醉中歌贈及黃子用杜于皇韵

昨夜酒徒醉欲扶，攜顛有東鄰子入門一事。  
記不真，芒鞋隻屐沾泥塵。清燈木榻便橫卧，酒  
語爛熳猶風神。夢回失笑此何處，東方已白雞  
喧隣。微憶醉中錯呼名字，不嗔怒黃子與我意。  
氣親我與黃子相逢不遲，亦不早舊年同蹈臺  
城草。歲暮金閨三日聚，今年同客西陵春。又老  
白眼窮途幾聚散，眼中交道悠々何足歎。與君  
狂歌縱酒四海心，相知紛々青雲名字徒爾爲。  
柳絮歌和何大復原韵

湖上朱樓春色殘，樓邊湖水碧漫漫。東風慢捲  
楊花入花底，春愁日未闌。低飛緩舞鞦韆院，點  
點着衣輕似霰。玉臺妝倦過啼鶯，畫棟泥香栖  
海燕。紫陌蘭窗紛裊々，金鞭團扇無人掃。君不  
見西陵橋畔萬丈條，春婦今有蘼蕪草。

送清瑟赴白門秋試，卽席用秋岳見懷韵。  
大壑日夜流，不悴孤雲意。閑河自莽蒼，安知人  
代異。舊年寒食亭，道與君同藉。春湖草扁舟，  
南渡水如烟。六事去青山，好相攜。芒屨不相

離隋苑落花翻  
旗犀渠乍息錦  
驄臥踏歌繁  
過承平時海陵  
物勝一往令人  
憶院谿本野  
夫姓字爭能識  
諸侯高宴醉如  
泥布衣數客才  
名齊袁家亭子  
饒水石層樓獨  
讓元龍栖綺窗  
曲巷恣歡遊明  
珠暗買裝搔頭  
揚州佳丽人最  
說紅牙粉隊知  
誰優夾岸芙蓉  
送君別月明十  
里無筇篻孤帆  
秋傍瓜洲出虎  
丘坐石霜華密  
竹枝調笑輕薄  
兒滿城顏色紛  
相失清瑟有吳門竹枝詞  
杭州簫鼓自何  
年西陵松柏摧  
爲田啼鶯聲斷

子規老殘楊昨  
夜搖哀蟬江左  
壯行當復爾九  
天鷹隼翮難止  
奏書初縮會稽  
綸負弩爭看邛  
笮使東南兵氣  
豺虎多凋戈塞  
滿銅馳趾治安  
早雪賈生涕理  
亂肯揜隆中耳  
雲霄一羽君穿  
扎林風我恋尊  
羨滑公等驅馳  
吾枕高蒼生眉  
列需人察

題吳郎畫像歌

二月我來明聖  
湖延陵正握桐  
江符角巾西還  
一聚首樓船夜  
聞歌呼翻英妙  
稱鳳雛小

阮之外雙秦珠，有一人年最少盤胸繡襖虹。  
霞鋪金九玉，兜垂楊側衆中身手人爭識仰天。  
一笑墮青雲流鶯乳燕無顏色乍怪蓬蒿掩清。  
晝千言酒，移時就龍文帟氣躍行間鼓行而。  
前爭却走是時湖山之客如晨星吳郎玉節何。  
亭，荀家麟爪皆五采韋氏門庭惟一經亡河。  
諸客紛綸至江淮吳越通名字斗酒旗亭並十。  
千畫船鼓吹餘三四花漿朝開羅帶橋芒鞋脫。  
踏雲屏寺有時絲竹傑陳前絳紗南部競喧闐。  
銀燈雁柱兩行出金縷一聲齊可憐吾曹酒行。  
如流水吳郎於中遊戲耳笑談作使邯鄲兒所。  
譽欣然罵亦喜塞胸竒氣聊爾爲磊砢歷落從。  
茲始兩月以前橐筆戰諸郎哀然郡邑推前行。  
一斑兩斑驚豹見異時風起霧湧萬里之足安。  
可當秋風記昔明光殿尊公初領凌雲薦錦鞭。  
日醉曲江頭鈴索佇翻紅藥院青霜紫陌行騏。  
麟天街露盡珠簾面甲申之春不可說枉矢飛。  
天閭闔折銅龍，冷未央宮千門萬戶揮清血。

至今海內多遺一尊公與我交長好鷓鴣出匣  
會有期折腰肯逐風塵道吳郎吳郎酒酣拔劍  
爲君舞君家先世相君吾舉主賜書尚滿鄴侯  
架佩刀再耀三公府不然上書指佞真男兒批  
鱗蹈尾甘如飴萬仞之岡立威儀豺狼惕息雷  
霆馳朱雲檻與鄭公笏君其接武清門規不信  
試看圖中之貌有如此王謝家兒烏衣紫囊安  
足擬

送蕭將軍赴鎮吳興歌

過江氏族梁王孫蘭陵芳草銷朱門將軍突兀  
淮南起雄冠大柵家聲存詞場跣跣傾千人棄  
而學劍驚一軍盡護諸將稱大將樓船橫海生  
風雲江湖之間烽燧見捷書飛上麒麟殿插刀  
爭識臨淮旗兔胄或露汾陽面紫瀾萬里鈎陳  
高月光冷射鉄絲箭延秋門開夜輦出壁壘如  
山猶索戰前年幕府搖錦驄乘時自許韓彭同  
一言不合輒掛甲角巾棋墅彈秋風我之門生  
公佳僭謂顧子赤方也揖酒樓吳市中圖書府第信



羅雀笑談往二 一豪空乘春走馬閩山上  
歸來顏色常相向健兒欲盡鳥雛飢  
倦客聞之增悵悵今日忽來別我去  
肘後復露封侯相壯士色動名馬嘶  
豺虎滿山魄已喪秋隼脫縹緲捷若  
神權竒天駟骨態真實戟雲旂坐上  
座卽之乃是平原人天下黃金無意氣  
憐才結客皆能貧公力定旣亂十鍾  
五鼎成功身

爛柯太守行爲冷心茶壽

爛柯太守青霞客金芝瑤草紛朱戟  
飛虹百丈

下丹梯化作彩毫人辟易一朝謝郡來  
西冷飽飲湖光千頃碧晨披雪椀水晶  
簾暮敲石鼓琅玕席乘春召客上湖船  
湖上落花翻綺筵酒闌攜手踏花去放  
鶴一亭春可憐橋頭香杜牽衣久蘇小  
門前正楊柳徘徊落日萬山青渙艇同  
穿孤嶼口隔岸平喧盡漿烟移船復進  
金尊酒興酣襍被不還家頃令客散明  
星後我在湖干歷春夏曾見荷開又花  
謝錢塘簫鼓限遊人追暝入城爭踏籍  
信相傳語非謬但有花朝無

月夜公獨幡然。此言百年歌舞成清暇。昨日  
邀我真實齋。雨餘萬綠搖空堦。繞墻紫鳳森幽  
竹。閉閣午蟬鳴古槐。彈碁四壁松澗靜。投壺兩  
行雪。錦排盤桓不知日。旣夕主人韵事沾我儕。  
繡 玉字誰者詞衢中。父老羊公碑進前起舞。  
爲公壽日長。夏初皇覽期。冰桃雪藕六月盛。素  
絲玉尺千年垂。神仙井灶使君得。却遣福地消  
瘡疾。我見驚喜轉相語。借公玉笋行芳醕。千秋  
四海樂未央。况吾徒共羈旅。昔者公在春明  
門。薦書耀燁翔天閭。甘泉諸貴競倒履。意氣礪  
石風雷吞座中。何人號僖父。笑談往二橫。城府  
焚琴按劍徒爾爲。抱璧屹然竟睨柱。此物亦致  
中山篋。敗意寧堪噲等伍。鷄肋名甘彈指棄。羊  
腸態任肯賢取。督府抗章白治狀。公卿動色明  
光上。寇恂河內歲猶爭。魏尚雲中績忍忘。公行  
再典二千石。文章紫馬風流伯。暫辭吏牒領湖  
山。坐見高牙騰羽翮。乃知讒夫天所託。姑欲逸  
公意不薄浣花。草玄閣兵爭蜀道。無丘壑聊

爾迴翔非計左人生亦貴多行樂他年二十四  
考拂衣後公其更永峨嵋藥

諸同人共集三十二芙蓉齋分咏笥中書  
畫拈得李青蓮柳花店詩墨蹟

柳花吹霰離宮暮啼鳥飛上臺城樹月中潮去  
復潮來謫仙魂魄青山路秦淮酒樓生碧草涼  
風白露秋初好勝客滿堂喧玉笙朱顏相勸金  
樽老依稀錦字識開元游龍天矯翔天門素師  
顛史不足道與酣落筆搖崑崙紹興宣和入御

譜紙尾猶鈐衛王府南渡宰相多韻流卽事今  
人不如古卷中首尾金陵歌歌長歌短奈情何  
鳳凰臺空謝眺死至今江左愁烟蘿盧家小艇  
藏書畫人影香奩對瀟灑緗軸披吟供奉詩秋  
燈夜<sub>二</sub>峩眉話世間萬事無不有昭陵玉匣何  
人守華清繡襪三郎絃羯鼓一聲花落久王孫  
詞翰天街見銀戈鍊騎開生面千秋墨暈青芙  
蓉風神想像金鸞殿<sub>二</sub>上龍巾天廐馬呼來爛  
醉沈香下龜年細按金花牋玉妃笑酌玻璃竿

誤題飛燕惱嬋娟一笑乘風凌紫烟傾城名士  
巧相值能憐能忌皆可傳國事旣土崩才人亦  
玉碎傷心南內雨淋鈴安知宮錦離披在平生  
能辱高將軍又識郭子儀豈有大節甘磷淄吏  
夫事定蓋棺日當時持論何倉卒

留別伯紫卽和其送別韵

大江南北鴻溝畫江左美人玉爲骨清歌短劍  
意蒼茫臨風一送孤帆發孤帆發別吾子荒潮  
萬派晴冰駛俯仰四海稀人豪君才千仞稱千

霄家學舊傳劉中壘賦頌不數張子僑中原戰  
爭紛逐鹿餘子褰裳或濡足獨收野史付名山  
下視周秦上顛項身名得喪誰能平自傷飄泊  
如蘭成半生狂走不適意安得素心諧耦耕愛  
君近飲能沉醉糟丘不易玄黃位世路從看猛  
虎行人情付與羣鷗戲謝眺山川李白家春芝  
秋蕨森青霞共憐萬古清淮月猶炤臨春綺閣  
花客歲廣陵梅始放相逢一揖欽高尚草堂風  
雪奏清音玉軫未絳吾所讓旗亭再聚已經年

開徑人來桃葉邊

伯紫家在渡頭

中林葉落客雨散寥

寥嵇阮誰比肩丈夫定交在杵臼離觴莫折臺  
城柳綰結青<sub>二</sub>待遠人處者其常出者偶吁嗟  
乎處者其常出者偶朔雲迴雁同搔首

和紫淀長歌留別與伯紫同賦

上客滿堂芳草生狂歌痛飲烟霜橫諸子黃初  
盡詞伯前身金粟兼長庚林間青霞池上月蓬  
蒿之門無典謁九秋簫鼓送飛鴻座中往<sub>二</sub>寒  
花發大文古色風簷展藻思春蚕抽獨蠶蕭條

高寄各何爲江山嘯咏恣滯洄今夕明星草堂

映春風欲裂池水硬

是日立春

大撓甲子義熙餘璿

玉重聞齊七政卜晝卜夜主客訛我言遺事開

元多楊李門前秉荆棘至今血泪沾鸞坡談深  
漏午燈火落才敵何分石與龠醉尉能呵莫怒  
嗔冠纓可絕姑散噓春愁離思夜紛<sub>二</sub>北山筠

桂當移文黃鵠雙翔翼已塌紫芝一曲人誰聞  
河梁分手難扳隨萬里關河羌笛吹荆卿去後  
酒徒散未如稽阮同天倪采隱何時安偵春南

朝山寺多疎鐘塔前長鳴笑海鶴雲外逸栖偕  
臥龍落日輕上客衫離亭有夢到川岩不知夔  
子磯頭石能滯山陰雪夜帆張衡四愁先脫手  
玉卮隻繡鴻門斗貧家此物典裘難聊爲諸君  
誇折柳

偶有持漢玉觥  
至者借以行酒

金閨行爲碎疆賦

兼壽其四  
十初度

暮春柳花吹雪香碎疆坐我芙蓉堂酒酣燭跋  
詩思歇欲言不言還進觴共請碎疆陳夙昔十  
年前作金閨客朱顏錦瑟正當樓妙舞清歌恒

接席是時江左猶清平吳趨美人爭知名珊瑚  
爲鞭紫騮馬嫣然一笑逢傾城虎丘明月鴛央  
槩經歲烟波獨來往茶香深夕玉織二隋珠已  
入秦簫掌竇霍驕奢勢絕倫雕籠翡翠竟憐身  
至今響屐廊前水猶怨苧蘿溪上春臨風惆悵  
無人見隻成烟霧迴鸞扇綺閣青燈伴藥鑪  
花瘦盡春醒面橫塘風好不迴船鐸臂緣深子  
夜前促坐已交連理樹同心寧學獨枝蓮桃葉  
渡江還用檝龍舟錦纜開歡靨孫劉事去水湯

湯金焦兩點飛蝴蝶登山臨水送將歸哀粉親  
沾游子衣水刻班騅人獨去啼憎烏白手難揮  
顛顛空閨衣帶緩刀環夢逐征鴻斷桂華清露  
碧成團鳴榔到日秋光滿乍離乍合事無端不  
贈當歸贈合歡俠骨自能輕遠道長息不待祝  
加飡爾時結交多畏友正色相規言不苟幡然  
意氣重金釵急之勿失真佳偶片帆東下舞衣  
斑又載明妝江上還風雨熟經楊子渡車輪長  
轉望夫山殷勤爲信玄霜約四海肝腸誰可託

翩然一片有心人義重恩多沁薌澤黃山驄馬  
此緣竒玉鏡臺前鬢影移豈有鸞鏡堪浪擲百  
年天意在蛾眉七寶裝車九霞幔支機星彩搖  
銀漢雍睦能調瀉汭琴幽貞對舉梁鴻案南陝  
天壤樂難支鳩杖雙扶上壽時花竹一門封太  
古始知佳婦似佳兒風塵動地人蓬轉潘鬢蕭  
疎沈郎倦桃笙王臂自支持患難深情於此見  
牙籤湘軸靜經營餘事文人標格清花裏抽毫  
香博士林中掠鬢女書生碎疆約畧言如此雙

頰津二猶未已黃鷄三唱曉缸青浮白高歌送  
吾子憶君四十是明朝清酒平原興已饒一下  
縑山黃雀背揚州橋上聽吹簫人生此日稱強  
仕蕭然獨著名山史柴桑歲月義熙餘薇蕨山  
川樸巢似食霞吐玉剩風流南岳西川萬里遊  
子安年少推才子今日相逢未白頭旗亭好句  
雙鬢講寒食東風動人主羽獵長楊又一時誰  
令英雄老歌舞盡道南方孝友偏平生隱德夢  
中傳拔輿袒褐清門裏千尺松筠結大年更起

為君酌一斗神仙遊戲藏花酒不須遙羨白雲

鄉栖多  
今有長干柳

卷之二終



直

卷之二



